



魏季子文集卷三日

七言古

贈李元仲

十九夜

秦中歌

寄壽吳城楊翁

周木天屬作羅靈最割股詩

兩伏波詞

乘月渡海歌

贈危習生四十

梅嶺松

滇陽峽

雲零石歌

朱靜庵來赴家兄生日之約臨別卻贈

贈賴子弦山居

長至篇為涂允恒壽

送曾省之兼寄訊嶺南故人

贈淮安張天中

贈孫無言歸黃山

黃河舟中

送伯兄東房北行至南

昌別

秋風歌贈宋岸先

孔正叔先生七十

望見

魏季子文集卷之三

寧都魏禮和公著

伯兄際瑞善伯

叔兄禧冰叔

訂

七言古詩

贈李元仲

官吏欲見如見龍野人欲問如扣鐘短衣溼履到君  
屋開口盡言無從容呼僮取水濯我足把箸飲泉大  
嚼肉知我此行不久留愁我雨雪行不速昔吾讀史

曾有聞今吾對汝見其人酒酣耳熱不自得如君豈  
可只論文夜重天寒月不白風雨聲中對玉客好花  
獨落污泥間男兒不遇真可惜

十九夜

明月掛天中風雲走萬壑四望有無間星漢乃寥落  
秋氣肅肅來隱隱生城郭

夜色迥如水萬里懸明河吾欲乘風行撫掌以長歌

歌曰

皓月皎潔無纖塵瑤光飛色入河津布衣糲食周吾

身不知何者是君臣邈然興懷世外之仙人理亂興  
衰貧賤富貴非所聞散髮跣足自爲羣款天南天北  
好風來古之豪傑英雄安在哉

李咸齋云奇格古所未有如此橫肝可壓太白  
曾止山云曠者必悲此詩曠在言中悲在言外

秦中歌

中有嬴氏從此興始皇之身四海平顧以詐力兼天

下匹夫作難而土崩

躬云只四句已畢  
秦紀何等筆力

方其發跡嶠

函時玩弄六國如小兒侵陵削奪不終極誰敢西向  
一與師哀汝六國何其愚均謀併力亦區區合縱之

說不可行遂使宗廟成丘墟太子燕丹憤其臯馬角  
烏頭心未毀荆卿一去不復還徒令蕭蕭悲易水亡

韓何物少年子國破君殘心獨恥圯橋石上履猶存

博浪沙中椎不死邦士云燕丹荆卿子作門表闕海

之東滌王蕩帝自人雄躬云妙在不抹煞復閣崢嶸

相繼屬雲霞焜耀阿房宮項籍鹵莽成一炬咸陽三

百里黑土寒光萬里動悲笳沙漠黃塵飛白莽赤帝

手提三尺劍五載馬蹄狐鼠斂大風起兮雲飛揚豐

沛田廬何足念竇融文齊皆丈夫咕咕嗶嗶者庸奴

發難強秦亦何人可憐當日陳與吳

彭躬庵云可絕作秦漢間八九絕句俯仰興懷各有繫屬未結尤龍門之砥柱吳崧三云只就當日事情莽莽蒼蒼叙去感慨淋漓已不可仰視

寄壽吳城楊翁

未交楊椿交林彭以椿為子知楊翁翁今行年當七十  
椿遠裁書寄二公林彭謂我楊翁美開門直揖天下士  
有時策杖左蠡湖朝望日出夜月起椿能植義多父風  
我欲登堂拜若翁君家遠隔三江水我在金精十二峰  
峰上懸泉穿石雷藥草紛紛出三秀仙人

飛去白雲封我下采之為翁壽

周木天屬作羅靈最割股詩

寒風昨夜起高樓。海天雲物皆深秋。客子不寐擊敝裘。周生語我羅靈最。自割其肉父病瘳。我有一二指。搖慮無聊何。况霜鐵飛光。攘肌骨相糾。愛莫能助。甘虔劉。豈得繩以孔與周。嗚呼。鋏臂飲血。久為兒女子。歸之忠孝乃佳士。

兩伏波祠

邛離之來拓遠疆。新息之來輯舊土。好大喜功死其

民。寧非漢武是光武。光武身為漢子孫。失其尺寸黍

厥祖。邛離不來草昧荒。新息不來誰識主。數千百年

義猶生。春社秋社忙。里鼓區區卜海稱。明神東坡伏波廟記

云南北之濟海者以伏波為指南。蓋必卜而後濟始無風濤之患。九牛一毛何足數。

嗚呼將軍將軍名。海濱冷烟敗瓦長苔痕。中原板蕩

聞不聞

彭躬庵云此詩盡懷盡興盡致憑弔古今不失銖累似欲與慷慨大志人把臂灌耳能使泥神雨泣

乘月渡海歌

人生何為來渡海。風惡浪惡翻心胸。十里之外見雪

白百里之外聞瀟衝。水聳天低月如烟。照我慘淡一  
 縹緲。浪拍船頭顛船脚。飛騰勃舉游太空。蛟龍在下  
 我在上。眼無天水船無風。為語爾風爾欲吹我何處  
 去。但當識我意所之。猙獰寂寞皆可同。海水搖蕩朱  
 火紅。乃見日出分西東。

甘健齋云和公跋此詩言有詩而不有其廣博深  
 厚瀟洋恍惚為海所勝神情不自王謂之充詩予  
 極賞愛讀此詩正自  
 神情甚王足以勝海

彭躬庵云語奇眾驚意奇  
 獨賞魚龍佛鬱頓此鼓吹

8 贈危習生四十

石上生松根始奇。雙手紀家為難為。伯兄云起君伯  
 似樂府

嗜瘠而棄肥。捉衿肘見心樂之。君得其意與相知。四

十無家甘如飴。米鹽凌雜視已私。三月四月茶拳旗

焦釜於鑠夜難支。君之為弟已如斯。一句印心石骨  
 總上

照君危願君巖苦。生光輝。

8 梅嶺松

三載三行梅嶺道。梅嶺道上風塵曉。路旁不識何年

松。見我驅馳特草草。松樹之大大十圍。其高直與青

天齊。左迴右轉看不盡。最妙百尋倒折枝。梅嶺梅花

舊有名。枝南枝北浪無憑。

書載庾嶺多梅花南枝落北枝始開

讀書已

令疑前志。我欲投燒山海經。又傳梅銷名。此地漢代

功名。今若是當年。鳥逕縮如喉。曲江鍾鑿誠多事。我

憇松下。忽狂呼。駟車駟馬。闖道途。爲予寄語。唐丞相

松樹皆爲秦大夫。

### 涇陽峽

衣裳離披立出船。曉風瑟瑟寒溟烟。峽口已入迴峽  
門。峽中百折不肯前。巧石座座如列筵。遙光翠色相  
被宣。如傾若仄勢飛軒。巘巘細壁掛玄猿。錯石竟斷

轉復延絕圻。三開橋三連沙。光石光光嬋娟路已出。

峽石復然

雲零石歌

有序

英韶之際有石甚佳。而名惡。湛子梁子曰。更名

之。予極其勢。綿亘江滸。靈峭不一字之曰雲零。

因作雲零石歌

雲零之名。何以名。蠢者有似雲之起。迤者有似雲之  
平結者。氤氳雲之胎。輕者淫染雲之行。奔者傾軒雲  
之風。鬱者有似雲之停。晶晶英英雲之日。積者斑斑



雲之層人者斷之雲之斷零者鳥飛雲之驚石中有  
雨亦出雲綴而珥抱雲之生湛子梁子領之云雲零  
之名遂以名

朱靜庵來赴家兄生日之約臨別却贈

我見栽桃花著枝納冰出冰食有時家兄去夏壽黃  
山今年正月君徑來冰雪薄薄數百里鳥不飛鳴人  
當之與君十日話山閣聞之洵是好男兒古人有言  
日思者不可為太息悲者不可為累歎送君莫立春  
江水江頭春草正萋萋

贈賴子弦山居

石上朝日而夕月不愛春花愛冬雪春花開在冬雪  
中見者無不歎奇絕我兄之心我之身汝能結屋依  
山腋石塘止水照汝門高竹寒梅坐相接南風吹溫  
北風寒溫者春陽寒者冽我不飲酒亦興豪我不能  
歌每數闋勺庭先生我忘言愛汝皆得聞此說

矣又皆得聞此說非解人不知

彭躬庵云篇中只汝能愛汝四字寫出子弦全副精神此杜詩後有韋諷筆法也點睛全不在多畫肉人不解此法

長至篇爲涂允恒壽

八神樹影式如晷自古薦長以襪履習習融風東北  
來編珠合璧見星緯日當南斗宗三微律稱和氣灰  
半飛陽旣萌芽天地應芸函蘭圃發光輝仙人池館  
生堯韭金鹽玉豉可長壽知君嗜德不嗜方庭階和  
穆勝春酒狼駿山頭朝日升君復允如月之恒太上  
從來尊暢月卜年八百爲周正

送曾省之寄訊嶺南故人

山木倒地呼天風突突吼吼夜方中擁被獨臥春寒

急心馳朔漠醫問東說君三日去南越親見其中生

蛟龍直騰海水浸五嶺臂挾飛魚攻鴻蒙

躬云似爲

我語五嶺之人竊欲聰煞更鼓打海水紅

奇峰天外

贈淮安張天中

君子受譽如受毀豪傑報恩如報讐丈夫磊落不得  
意吹燈夜起看吳鉤淮陰市上日當午茶亭酒肆喧  
歌舞不見當時惡少年何論千金老漂母天中意氣  
成春雲于我如逢異地親樓上鐘聲對曉色門前荒  
草共黃昏輕舟自過燕齊水長河濁浪勢千里秦梁

不去空南來敝衣短髮見吾子

叔兄云如此詩可謂語不驚人死不休矣覺紙上咄咄逼人觀者目瞬

贈孫無言歸黃山

我聞黃山草木奇孫子先歸勞我思孫子後歸須我

來我將敷衽以陳辭請于黃帝一問之

黃山以黃何帝得名

謂垂衣裳而天下治伶倫作律吹太和何愆陽沍陰

多垂夫天時隸首之美多寡短長使後人不知大撓

之甲子而空繫乎干支容成作曆闕閏以為疑賢哲

貞疾以弗瘳奚尚進岐伯而問醫諄曰黃帝既興涿

鹿之師何至今天象留蚩尤之旗問首山之鼎何在

借我併烹戴地之四鼈奉佐帝卮我欲擘東西南北

天之龍須佩烏號以為儀帝曰予既乘元御乎太虛

予喬子孫作君作師如大海之魚不可麗拘汝奚喋

喋以聒予孫子聞之攘臂將須踞椒而軒渠

叔兄云意好奇而力足以發之不得不謂之奇文也。妙處在直如一句故其勢甚峻

彭躬庵云太白狂士靈均騷人此能兼兩

黃河舟中

天風爭上河爭下我之乘船似乘馬風水緩急交勝

負張帆落帆不得住輕舟播蕩地勢連黃雲四塞欲

吞天豈有神驅使倒流金龍大王事徒令我船縮不前君

不見黃河一道崑崙直萬里奔濤界南北哀哉河南

亦是河北人天上之水界不得

彭躬庵云河海一氣耳季子胸中南海北河融成一片縱筆所如軒豁呈露雄視天壤

送伯兄北行至南昌別

北風吹動南浦水榜人擊楫秋江裏芙蓉蘆荻欲開

花我留兄去同離家北風南上南風北我歸兄獨長

為客醉中分袂庶不悲蕭肅送兄事誰復此時能醉得

秋風歌贈宋岸先

四時獨愛秋天好當秋直下章門道鯉魚風起動蛟

宮對君意氣如秋曉君不見秋風自古使人豪秋風

最易令人老

孔正叔先生七十

君乃至聖之耳孫又有中散之鼻祖宋中散大夫傳為孔氏南渡始

祖中散大義接君身可持此身媿鄒魯家兄道君七

十翁學比少年更攻苦喻君以火神無我我聞不覺

手之舞又聞賢溪水樹佳秋擬過從黑雪阻是年八月新城

雨黑白雪見君族子孔用儀賢聖之後非眾伍壽君  
寒雨彌旬不用稱兕觥聊獻三言作酒脯君不見晝短夜長豈  
終古白日統統臨下土還與唐堯同一午

彭躬庵云叙事矩則頗嚴時有宕趣一  
結奇縱有分表意中語遂覺瞻視非恒

望見

望見同州沙苑沙黃于黃河之黃水上爭日月光奪  
天下屯地勢數百里南北浪高南北風迷茫沈蕩稱  
沙海原有沙浪  
沙海之名怕陷馬蹄只陷人紅纓走馬紛纒纒  
不見節度有汾陽曾聞奸相緣官豕

魏季子文集卷四目

五言律

嘉禾道上

水莊二首

桃李園

春中

登臺

春杪經翠微道上

翠微夜聞笛

溪上看月次韻

夜半

送曾止山南行

雜詠二首

山居

五老峯喜晤日餓僧

江上寄黃子伋

前堦

自江上歸重值烏谷

贈甘健齋病中

往廩山訪麗公雨滯南

豐三日未得行

留別賈孚遠

舟中

送董无休還會稽

月坐得溫字

寓樓偶集得辭字

尉陀城二首

期張崑承萬睂仙九日

登高次韻

除夕

過張穆之東溪草堂卻贈二首

將行留贈白敲僧

渡上

夜泊南斜沙

上元夜分韻得人字時

余有海南之役

宿何不偕陳元孝梁器

圃陶苦子寓樓

李克濟招遊浮粟泉

寄別周自珍

歸途十首

路上有山似冠石彭躬庵林确齋所居

別王說作

宿來青閣贈主人

贛州別湛用啗梁芝五之京師

路中別吳子政

仲春集東臯限韻

霜臯偶作三首

玉泉山二首

碧雲寺二首

海淀

燕邸偶作三首

歸舟四首

送人遊三山

宿村舍晚赴隔溪人家

食

送曾周士之廣東二首

灌園二首

寒夜念叔兄在途

又念伯兄在燕

偶述

薄暮桃花

玉蘭花

山春偶作

送曾省之往福建二首

蕭孟昉五十

西行道上 一百三首

清明日行旁羅道上觸目

賞紫牡丹

辛丑同葉中林度歲辛

亥復同因賦

舟泊石師山下漫題

寄姚六康

次韻贈友人

晚發

題画松爲壽

楊永年出晤

同遊西樵贈別麥叔夏

別湛用喈

宿山家二首

舟中漫作三首

借一亭牡丹

魏季子文集卷之四

寧都魏禮和公著

南昌友兄彭士望躬菴訂

五言律詩

嘉禾道上

征途嚴夙駕起坐聽雞鳴  
細雨望中合諸峰雲裏生  
炊烟村斷續春草路縱橫  
苦旱今方稼紛紛又說兵

水莊

溪陰不覺暑隨意足探尋  
樹帶羲皇色人宜樵牧心



行來通小徑望斷忽微岑鬱鬱東南際浮雲似欲深  
又

寥寥當獨夜枕上聽溪流夢在半庭月涼生一簟秋  
自來行到處不見此林丘我欲登高望其中少一樓

桃李園

東園蔬秩秩紅白綠都齊會得春光意隱然芳草蹊  
燕來知故屋花欲過前籬獨立無人到城頭日已西

春中

踏雨行春色山山處處雲旁過依草徑反顧失柴門

天地何曾濶東南竟不分寧辭登陟苦芒屨總泥痕

登臺

柳樹牆頭出城高臺亦高秋風黃落葉夜月白浮橋  
意氣輕毫髮風雲重草茅荒園聊托足指顧益牢騷

春杪經翠微道上

獨自出西郭山花無數新空香飛澗路野色點江村  
原上風雷合天中晴雨分不知雞犬近遂已到柴門

翠微夜聞笛

相值偶然處相期何必工似從烟水外直入石林中

夜月疑邊戍青霄隔寺鐘  
狂來歌自得拔劍斫秋風  
溪上看月次韻

溪上當秋幕長林一小亭  
水流天色盡山遠夜心清  
潛動知魚跡虛光見鳥聲  
爲言往日事忽起故園情

夜半

夢過風盈榻蕭條枕席親  
忽然思往古何以慰今人  
高竹露初下寒花香未分  
不眠知永夜鐘鼓莫相聞

送曾止山南行

愛君頻遠出不厭別離情  
野艇隨江濶春風去路生

兵徒仍北府人士舊南京  
獨感窮山客年年柳葉青

襟咏

天際有飛鳥林泉置我身  
南風新草合落日大川分  
近水細非雨遠嵐輕似雲  
坐來無一事還起望前村

又

看書時得暇開戶納烟雲  
泉勢爭渠落山聲匝樹吞  
香燒春晝永屐齒石苔新  
飛鳥天中斷無人訪葦門

山居

披卷讀東漢慨然到逸民  
古人竟若此斯世復誰論

屋照梅花夜墀開桃葉春歲時都不異惆悵倚柴門

彭躬菴云五律最推氣格此爲高渾

五老峰喜晤日談僧

一徑萬松入前墀菊放初開門延日月登石小江湖  
世眼爲誰白真心不自孤偶然成信宿歎息有吾徒  
江上寄黃子仞

離家遠作客江上正秋清初以友朋意翻爲山水情  
高天水葉下殘夜蓼花明實有難忘處因之百感生

前墀

前墀意未已獨立豈辭頻葉密不過兩枝高易宿雲  
山聲虛納水鳥翻遠依人種此庭階樹萋萋又一春  
自江上歸重值鳥谷

十年曾值此蒼壁故崔嵬徑仄獨狐走燈懸任鬼吹  
寒星窺石角嚴鼓起城隈寂寂意中事徒成江上歸  
贈甘健齋病中

與汝今相見孤牕此一燈直爲人弟子已是古先生

健齋昔友謝秋水先生今更爲弟子積雨鳴殘夜高談得至情如君豈

可病我欲學醫經

往廩山訪麗公雨滯南豐三日未得行

抱疾行長路居然滯此間陰雲垂屋重飛鳥趁人難

躬云一重一難寫出雨况身外餘庭戶意中得廩山如何溪澗水

日夜發狂瀾

留別賈孚遠

賈生常作客動輒十年餘為友傾囊篋有親在里間

風吹大海水月傍一舟書臘後歸帆過君應返故廬

舟中

日氣炎于釜清晨畏葛裾望林聽伏鳥投粒出游魚

寢熟還交扇坐遷屢廢書久嫌山屋熱今正憶吾廬

送別董无休還會稽

董子今歸去扁舟肯載余不須除月色正好食鱸魚

木落烟霜動秋高天水虛君生嘗膽地甘苦近何如

月坐同王震生曾青藜任道爰飲酒得温字

他鄉仍濁酒相對正黃昏躬云清淺似劉存虛何處人吹笛坐來月到門

嶺宜估客過臺有越王存旅舍涼風早締衣漸不温

余生生朱德先芝園葉鍾磨寓樓偶集得辭字

天涯同作客聊此一傾卮若不永今夕將無悵後時

高樓海氣煖遠戍鼓聲悲美得尊前句深慚幼婦辭

尉佗城

離家日向遠有友不為孤錢儉收魚婢船遲及荔奴  
海天遊子路城郭越王都一上高頭望牛羊滿綠蕪

又

秋衫仍獨立愛熱傍茶爐亦欲逢今世空悲失故吾  
魚龍方在夜牛馬自當呼卻憶夕庭外梧桐得月初

期張崑承萬眉仙九日登高雨阻次眉仙韻

昔云嶺海菊開即重陽期花信不相值雨中還共誰

秋驚雙雁遠憶予人正獨愁時為想前宵約登高各

賦詩

除夕

故國半年別嶺梅不見花願言將木葉未可老桑麻  
客子留寒色神人識歲差丈夫身尚健何用歎無家

過張穆之東溪草堂卻贈

欲下東官去春潮上晚船聞君多靜理輒爾過名園  
石丈移山色茶人得水源穆之性好石又好茶而不飲酒竟從城市

到見此已無喧

客情當暇日。門徑接幽篁。鳥狎午風細。花繁春雨香。  
題牋分曲壁。別屋嵌方塘。更出東溪草。評論到夕陽。  
○ 將行留贈白叡僧

重陰連日夕。躡屐更來過。卽此爲吾事。言愁奈若何。  
烟雲隨去路。天地在狂歌。美汝無塵俗。真宜老薜蘿。

○ 渡上

客子不能寐。周回依棹行。待潮山月上。接水海雲生。  
江路夜如歲。漁船火似星。可知盍旦鳥。辛苦共余情。

○ 夜泊南斜沙

寂寞維舟夜。空濛倚大江。山根雲欲淨。雨後月初涼。  
光澗虛無岸。天低直可航。海邊真不定。明暗已殊方。  
○ 上元夜張穆之見過同王克之溫靜甫曾青藜  
任道爰分韻得人字時余有海南之役

他鄉爲令節。花信早知春。靜夜來高士。深燈存故人。  
剝柑耽味好。對酒愛情真。卻憶明朝別。居然海外身。  
○ 宿柯不借陳元孝梁器圃陶苦子寓樓

樓上不盈掌。能容我輩過。評人期郭李。著論罪王何。

夜氣如空谷。寒更應白鷺。莫言此會易。向後恐蹉跎。  
李克濟招同陳爾公王遜公遊浮粟泉

聞道荷花放。香風到葛衣。來尋李子約。始上蘇公祠。  
地勢收雲物。野芳入酒卮。自今閒便至。重過不須期。

寄別周自珍

定知君去後。客思易悲秋。趁此涼風路。還乘渡海舟。  
雲天依故國。蘆月冷汀洲。喜得遊人札。開緘始欲愁。

歸途

又得身無恙。衝風渡海船。車輪碾白日。客路接青天。

土俗經微貫。山川好似前。高秋曠蕩處。聞有水潺湲。

二

停車日未晚。再入徐聞城。新草沿官屋。敗茅供鎮兵。

金銀曾昔號。

舊有金徐聞銀海安之號海安徐聞屬也

米肉至今平。強食

兼人虎。蕭條亦有生。

三

日短續以曉。出門月在頭。草當路上白。山隔望中幽。  
繁露猶滋夜。寒風不似秋。可憐芻牧子。先我涉溪流。

四

云是伏戎處。果然地接雲。枯藤懸不測。老樹立驚人。  
躬云情境錯愕俱從起句生出。行盡深山路。初逢流水村。僕夫開笑語。濯足向河津。

五

如火一梅畧。旋過輒已非。市留宿賣肉。人有坐支頤。  
隋得幾年盛。秦爲萬世期。吳崧三云秋風涼浙歷。敗葉滿天飛。

六

歸意失艱險。緣途別買舸。賊艘依暮發。客路任天漫。

七

露滴須眉濕。風恬夜水波。中宵只靜對。翻得月光多。

南海沉鄉信。北還想鯉魚。每逢來路客。輒似帶家書。  
日照棲塵面。風吹不絮襦。鳥歸車脚靜。方肯入蘧廬。

訪友肩輿出。

往淪水訪謝凝之

霜風索太乾。初顛身未苦。幾

夜骨都酸。

叔兄云酸苦屬對句工而疎

園果隨人摘。山松只自盤。

坐君庭砌下。不覺路漫漫。

九



滾滾秋原上。曉涼大不同。還如滯海日。記得怨天風。  
露與草根碧。霞分橘子紅。呼僮攜數箇。併冷到心胸。

叔兄云單承格好

△十

來時為畏路。今宿黃泥灣。下廣多賊之地荻竹門相次。柑蔬

市漸繁。偏因亂處靜。時鄰地有亂兵馬絡繹此地賊遂潛踪遂得意中

聞不上州餘里。買船下佛山。

路上有山似冠石。彭躬菴林确齋所居。

忽見幽人宅。烟蘿當晝晴。呼之如欲出。率爾便須登。

秋茗嘗應徧。寒梅吐未曾。所思無曲折。真足慰歸情。

△別王說作

與爾同攜手。謂予頻不留。適逢歸大。離別又孤舟。

寒草經年色。空江盡日浮。若非梅嶺路。徑接越溪流。

△宿來青閣贈主人

主人延客意。靜夜一燈深。橘蔗滋清味。絲桐有妙音。

主人好彈琴乍聽秋落手。微悟夢關心。動是悲涼思。

非干憶故林。

○贛州別湛用喈梁芝五之京

千里路非近。牽舟行亦徐。已知爲此別。不謂在須臾。  
河水流雲疾。天光照日虛。征帆難我待。引望欲何如。

△ 路中別吳子政

曉色含臯樹。秋風吹未闌。自來同客路。只似住寒山。  
逐水看人遠。歸途念汝單。江雲蘆荻雁。飛翥不曾難。  
仲春集東臯限韻同陳冰壑朱秋崖劉砥瀾王

△ 崑繩

雪去梅花在。東臯景色新。感時悲獨客。何意集幽人。  
小鳥歡晴晝。閒亭隔市塵。卽今吟對好。莫憶故園春。

秀云正  
自深憶

△ 霜臯偶作

風吹茅屋靜。寒氣斂江天。潔鶴翔春雨。饑鳥下午烟。  
小齋唯見樹。野水自行船。景色清明近。將來啼杜鵑。

△ 又

開卷書難讀。閒園花送香。縱談消夜氣。酣睡答春光。  
好鳥如相悅。逢人故自狂。何當頻索酒。醉裏失悲涼。

△ 又

徹夜偏無寐。昏昏曉復然。家山經好夢。春鳥亂幽眠。

袞枕南遊客。笙簫北去船。被衣成遠望。歎息此晴天。  
玉泉山

稚楊如竹立。駮石綴龍皮。水潔窺人面。山空學馬嘶。  
微烟生古寺。落日照殘碑。望見黃金闕。歸鳥陣陣飛。

又

為此一泓水。車徒日日來。酪漿隨澗吸。毳幕傍山開。  
雲鎖蒼茫樹。石留今古苔。荒烟迷白月。風雨夜中哀。

碧雲寺

金碧飛天半。層層殿閣尊。過橋全避日。下馬漸升雲。

繞水行頻失。尋山氣已分。繁華消國力。寺為于太監造。○躬云五

字最切國 回首見風塵

又

寺後看碑記。其中是賊臣。汝生吾欲殺。見此反傷神。  
翁仲當年石。刑餘故國身。至今西市上。猶自殺賢人。

寺後有魏忠賢墓

海淀 李皇親舊園

但見頽垣在。猶聞繞徑香。藕花知舊恨。菱草滿橫塘。  
石落洞門閉。畦寬稻葉長。園中原有 紛紛歌舞日。種

得此淒涼

燕邸偶作

作客經寥落秋來雨不閒逢書貪欲看開卷每心煩

嵩嶽雲中寺

期友嵩山不能赴

翠微天外山憑將兄及弟晨

夕足三餐

躬云無聊在一足字

又

遠望當歸去還登何處樓連陰只似夢見月始多愁

叔兄云妙情妙語

饑鳥寒仍出浮雲暮欲收看看燈火夜門

掩一庭秋

又

花草垂愁思依依苔石邊涼飈通夜夢曉角滿秋天

兄病兩三日余行幾二年為將烟雨色及早趁南船

歸舟

有約未能赴無心竟得歸孤雲秋正遠雙雁日相隨

書短催船泊風長畏岸迴時欣同路客新月共銜杯

又

不信歸途好相看還欲疑羣牛爭浪急獨樹過船遲

落日紛無極停雲重有思如何投宿鳥一一望西飛

子懷人  
在西也

不計又

歎息御河水今仍向北流清風遙入夜濁浪不宜秋

官卒鳴長鼓王商載巨樓書生牢落甚來自舊神州

不勝又

紆曲長河路秋光遠處明帆迴擁地立岸動覺舟行

兄弟無寥寂棗梨得性情還餘天際夢少室有孤僧

### 送人遊三山

亦以禱祠去因成楚越遊春花迎棹發江水接天流

况有鍼砭術能無資斧憂出門隨處好勝我坐山頭

### 宿村舍晚赴隔溪人家食

野老情無偽當晡亦見招抽薪爲客杖接櫂作溪橋  
矮屋盤飧古空山風露高雜言農圃事肯與坐深宵  
送曾周士之廣東

好花當二月送子下寒山客路長如此吾徒相往還  
漸知天海濶正覺別離難羌笛不成怨春風度庾關

### 二

三年吾兩到識路夢能隨寄語嶺南客新從塞北回

佳時空掃徑明月想銜杯嶺上梅花發相將共汝歸

灌園

山居常恃菜性情復違時瓜蔓除方了松秧栽恐遲  
揮鋤勞我僕抱甕是吾師正值秋光好千峰落日微

又

種蔬甘味別食力致心閒不課園丁事安知圃者難

孤根秋易燥惡草日能繁汲水停前路良朋自巘山

時彭中叔自  
三巘山來

寒夜念叔兄在途

室裏明燈照膽瓶殘菊花山風吹屋動霜月到門斜  
面火涼生背衝寒熱啜茶不知吾叔子冷落宿誰家

又念伯兄在燕

好景難窺戶深房研凍池南方已似此北地想應知  
苦憶洪都別是行予送  
兄至洪都欣來石閣時石閣兄讀書  
處夜亦相過風

烟虛靜夜慚我對庭幃

偶述

最愛山居好三旬五入城園林消壯志衣食誤平生  
久愧雲中鶴謾言縑上鷹夜長殊不寐出處聽雞鳴

薄暮桃花

誰不牽芳日時時出小庭落花疑積雪高竹接疎星  
望影猶能見爭霞忽欲明春風還一度感我百年情

玉蘭花

香德君無媿辛夷迥不同枝頭來雪客木末舉芙蓉  
亦在春風內偏明夜月中縱令搖落早芳味尚堪供

花落取瓣拖糖麵以油煎食芳甘甚佳

山春偶作

春服宜輕杖春山面面開古藤牽白雪蒼壁綴紅苔

好友近皆去吾兄遠不來時伯在陝西叔在新城峰頭贏得住  
似喜我無才

送曾省之往福建

東望雲無盡君從此處行颶風今不發海月獨教明  
莫漫悲貧士誰言是舊京余心隨共往一聽夜潮聲

歲歲堪為客東風起薄裝舟車過白日鬢髮點清霜

行得春花餞坐須佳果嘗荔枝應譜定真否勝珠江

昔人譜荔枝以閩產為上廣產為下省之又嘗遊廣東

蕭孟昉五十

五十聲名久濠梁真此身

孟昉有春浮園遊圃甚佳

系高連靖節

宋蕭楚太和

錢散似貞文

南北朝蕭朏素號日貞文先生

斗酒歡承

夜園花易得春鑄凝原不必君自有神人

西行道上 一百三首

三千始發軔

彭躬菴云紀路程

長夏愛清晨

紀

翅笠涼遮頂

棉衫短稱身

紀行

馬驚當路蝶鳥喚隔山雲喜脫船

中滯渾忘陌上塵

紀初登陸

彭躬菴云首起紀時紀事杜多此法門人吳正名云多篇定是如此序起亦自然之法

二

暑日漸相偏 心情已不舒 挽韁勞左手

正名云凡事皆勞右手惟

騎馬多勞左手先生所以特著左手之勞也

探路認前驢

躬云紀騎法認路法

清鐸

隨山轉遙鐘出谷徐平川 依古樹立馬一踟躕

彭躬菴云字法中路徑闔闢

三

倦客思投宿 柴扉隔水開 羣鴉枯樹立 匹馬夕陽來 直近喧兒女 橫斜見土堦 僕夫云不是 還度側山排

彭躬菴云寫倦客投宿情境偏真僕夫云不是一轉忽然掃奪又生一境



四

一里長三里催鞭到鄭家此間有沐浴前路但塵沙

近水環栽柳橫山帶落霞江南風味在躬云不說江北但云江南

風味在古法 墀上看閒花

五

偶向小巷去山門閉不通蜀葵明向日湘竹細搖風

久立生真意躬云靜細行路人那得此 微吟及晚鐘勞勞行路客

似住翠微峰

六

酷暑桐城路玄雲忽冥茫雖經細雨濕卻受陰天涼

樹匝炊烟重風吹山帶長回頭語僕子且宿此村莊

躬云如親面頰口語

七

應門辭客拙三反說居村千里登堂者點茶不到脣

久知躬云久知豈 子豈作閉關人躬云久知豈 見事嗟吾晚

從來笑賤貧尤妙似反躬自責自責卻在賤貧

八

寂寞寒山日秋風意自雄誰能居井底目不見關中

辛苦人生事馳驅客路通漫過與廢處無用說遺蹤

九

舒城一百里躬云紀舒城路四句一氣說下九十里皆山直至南清

步曠然心目閒遠林青一抹曲水白三灣望見無多

路饑疲到越難

十

未午先投店減程避滑泥鴉雛歸樹早雨脚壓天低

去嶺疑連屋前川恐漲溪短簷愁寂甚濡筆漫留題

蕭得十無幾

晴時只苦熱作雨似黃昏不受泥途惡誰知日月恩

側肩通溜水驅馬踏層雲對面難相識知投

何處村

十二

朝暎今欲出陰雨氣全無側屋編茅潔躬云潔字長是茅性情

天作客孤從長天發出孤字心眼悲曠山川留涕淚髀肉歎菰蒲

杯酒陶然醉蕭條一丈夫

彭躬菴云曾懷有勃不可遏處不知其然而然此真性情也皮厚氣滑人却不易見

十三

貧行思趁熱糞得少衣裳

躬云實情實境說得醒出

至此翻成悔

須秋天稍涼燒風吹眼瞎疲馬更途長賴有忘勞處

吾兄漸可望

天許十四

淝水人何在公然牧馬場

躬云借淝水二字一喝接公然二字下不再及一語

妙不可言驚鷺明箇箇野草暗蒼蒼天問空勞舌鴉詩自

有腸亂雲隨匹馬零落不成行

是滿肚皮無可奈何忽有此句若作寫景

看失之千里

都都十五

合肥方苦瘁此地竟揚沙

躬云紀霖旱

唱曲栽田稻鳴金

踏水車

紀江北土俗

饑餐江北東渴想渭南瓜

賴子弦云飢渴雖是

屬對工切而渴想字活說尤妙于下二句有情

我僕從西至桃梨并說佳

彭躬菴云小物土宜中俱有脉線零層補出

十六

古說耕牛苦馬閒芻秣優今看行路馬不及臥溪牛

躬云喚醒古今騎客

日月擲人去林泉可自由吾廬修竹下朝

暮只清秋

高渾清妙之句令人玩味不窮

十七

揚策衝殘夜輕涼露濕衣星隨河影動螢傍馬頭飛

缺月沈郊草躬云草字妙寫橫雲挂樹枝行來三十

里紀夜始得見朝曦去林泉可自由吾輩豈甘下

古集十八昔謂同林對今亦亦不又相與

破月應騎馬躬云通首情懷在計程有數千須知顏

子御緩著祖生鞭即事體驗提喘氣行難住昂頭實

可憐饑疲吾共汝林際望炊烟西至

根木十九此美

苦因炎暑逼憐惜頗關情揚策每難下垂韁聽緩行

路傍貪蓄草躬云轉鞭及始登陵軍法嘗疑峻于茲

想用兵

彭躬菴云深心人觸處不肯放  
過然亦先仁後義未嘗草草

二十

江北流風別江南迥不宐耕田純婦女服未雜驢兒

躬云紀墩廢鐘猶在紀墩○曾周士云鐘猶在田稀

山亦微紀飲餐已失我躬云失我字失前路料能知

二十一

古樹參天綠當途蔽蔭多涼風不待喚酷日漫相過

舊事餘荒草閒心付逝波窮云意甲有不磨事忽忽不覺逗出白鵝與

白鷺明白立青莎句字有層節映帶

山亦二十二卷

毒暑成消渴持瓢空屢還道途真不易水火乞猶難

時僕去求火亦不得投樹青冥足飲河白日翻苦辛知自有未

肯躬云五字骨在深山

二十三

下士何為者驅車廬鳳鄉躬云情生三字輟耕誰隴上浪跡

去咸陽天地居然大山川只自長風吹荒草合落日

滿牛羊

彭躬菴云如泣如訴如怨如慕灌灌不休尤妙一結鏗然莫窮其際

二十四

避暑無過早裝成坐聽雞星教馬曲折躬云奇創鈴察路

高低微靜濃露當胸落遙天與地齊曠甚寫長路入微歸思生

石上回首夜淒淒

二十五

路遇穎州士張諸萬科頭典不羣談文何滾滾責稅懶

頰頰張時以收租至劉家集酌酒邀新月擎桃似故人小園同

倚樹未覺夜將分

二十六

太和城北路正晝得陰涼桃李如蔬密槐榆接道長

風光穿蛺蝶日色靜蜩蟬

躬云穿靜反歸風光日色妙

過此二三

里炎威不可當

彭躬菴云似感激太和城北為作小記

二十七

行來江北盡接路是河南

躬云好章法

有水皆浮鴨無村

不打藍項城沾細雨槐店脫單衫對竈成陳事嘗來

麥飯甘

彭躬菴云恰好是河南典故妙在輕點無跡○此伯敬所云通篇一氣如畫如話

二十八

岑岑迤北雨皎皎向東晴小餓貪前路連陰許破程

西北路有一定程次取道多而越之謂之破程

栗塲飛燕燕柳陌喚鶯鶯

躬云

小綴不妨正喜驅馳急

叔兄云觀此句栗塲二句是寫喜驅馳急之象

長安好見

兄

彭躬菴云活潑自在詩家佳境

二十九

詩

五律

道上逢車馬，弓刀側目看。關西強作客，遼左特多官。  
躬云特字有史烟火千家聚，書生六月寒。一驢兼一僕，前路尚漫漫。

曾止山云極說客子蕭條偏多雄鬱之氣

三十

家山行向遠，異俗亦相漸。麪餅頻餐慣，風沙一路添。

躬云添字妙

得陰旋致雨，愛日却愁炎。夾道如栽柳，長晴

自不嫌。

押一嫌字生許妄想却趣

三十一

山溪一夜漲，紆道繞林多。岐路頻岐路，渡河再渡河。

躬云有此情法非弄巧也

避泥尋綠草

紀泥行法

汎水羨蒼鵝，盡日行

閒處崎嶇可奈何

三十二

黑雨漫天落，侵淫水四周。脚邊高地狹

躬云有高地纔寫出四周

身上亂泉流

險句而安

小屋且停馬，短簷先繫舟。前村河

又決，婦子早登樓。

彭躬菴云寫兩水急景須此快筆虛字幹出○是河南兩行實錄他方不爾

三十三

逆賊凋殘處與亡繫此鄉強兵弛督府凶勢大安陽

假粟行在狡愚民竟陸梁其地老儒云闖賊在空陽山中不過數十人破空陽

而勢始大孫督師率關中兵圍之亡在旦夕緩不設

備賊出其不意遂敗及賊屠陳州散粟飢民不可復

制矣○躬云孫督撫是以中使嚴催出關始敗非弛兵也至今餘灌莽眼見是淒

三十四

三里為南頓躬云章法居然光武村居然妙村字尤妙周猶非共

主漢獨有真人獨字妙斜日荒荒落輕烟慘慘昏登祠

一下拜不覺淚沾巾村字妙

三十五

風雷雨並至棚樹屋全無曠野空精魅窮天只僕夫

依稀迷徑路頃刻有江湖牧豎防牛失藏頭粟裏呼

躬云急時有景

彭躬菴云起二句字法中有章法一尋一味三四寫荒忽苦急卻合上仍一氣筆亦挾雷雨之勢

三十六

但須揅一濕縱雨奈人何躬云闢無窮路可作易象觀路沒隨青

草比避泥尋綠草又潦寬散白波舒鳧迎馬汎科斗

上身多只恐前溪漲無船可渡河



彭躬菴云江北寫熱河南寫雨俱入至極偏出但  
須揀一濕妙句眼前道理非悟不開非急不悟安  
居人那得增益

卅三十七

阻雨裴城地晉公廟祀神春秋勞縣吏社日走村民  
酹酒還堪醉題年恐未真空傳石烈士匪直過韓文

彭躬菴云忽說到石孝忠介淮西碑事令作者受  
者一齊汗下此人可大用肅宗知之仍不用之何  
也詩至此乃關幽補  
天地闕隘豈徒弔古

三十八

一路杳無際襄城始見山自茲連少室直接到潼關

躬云紀襄城山白草猶千里青天界半環寫景幻而真風沙過赤

日星月未教間未教妙

三十九

跋涉千餘里經旬泥雨中忽看新日出似與故人逢  
客舍誰吹笛僧寮自擊鐘坐閒成灑掃未是學林宗

躬云結句妙今人全以皮膚學古人耳

四十

寂寞韓梁道紛紛走馬蹄無人指舊跡空自見殘碑  
碧草消今古蒼天好別離遙遙飛鳥下望斷塞雲西

彭躬菴云五六十字包李華  
庚信屈平宋玉諸騷賦在內

四十一

未睹秦關勢 迺山指太行 火雲連地赤 河水到天黃

設險徒勞客 躬云多 衝塵又越鄉 輕風隨樹至 垂柳

拂絲韁

四十二

嵩嶽雲中臥 伯兄云臥 所思在此無可憐 淹歲月 祇

自歎頭顱 躬云頭顱 二字恰好 近說西江去 長令北雁孤 持將

萬古意 蕭索老鄱湖

彭躬菴云懷適菴禪師也季子向以資之未終少  
室之約頗年詩篇切切感慨近聞其返西江乃止

四十三

投宿白楊樹 閒過許李談 洛陽許宏羽 昔能宗蜀漢

今不廢 本地李含章 此義無人說 持倫見子嚴 竹光生鬢髮

星月夜厭厭

四十四

功令從無禁 躬云妙在從 碑題鑿不留 是何關禍福

枉自作仇讐 新故誰能避 炎涼實取羞 君非司馬甚

正可讀春秋 許李習春秋經 如此

魏季子文集 詩

卷四 五律

三七

林確齋云世人論詩只尚冲澹間蘊稍涉怒張便  
云失却風雅其實情有必至理有當然非一境可  
盡適中其可便是風雅至處如風之牆茨新臺雅  
之巷伯何人斯之類極情極口又何嘗不風雅哉  
四十五

早起看天色私心竟莫憑  
玄冬惟畏雨朱夏并愁晴  
鳥擇深枝立蛙從曲澗鳴  
行人空美汝暑濕飽曾經

四十六

大道苦難晦名賢不自持  
釋囚周武是陳範殷仁非  
口實資來世明夷見彖辭  
朝鮮雖異域胙土總堪疑  
彭躬菴云如此大判斷非高識嚴氣不能壓倒首二句竟欲空古今名賢獨坐

四十七

脫衣過驟漲急浪直浮須  
躬云十字寫危險用壯如見幾入馮夷

室曾無柳毅書浸胸天地轉  
貶眼死生殊危景快句始信

羊腸坂王陽事未迂不可少此一悔

彭躬菴云和公果處人不能及然似此亦幾殆矣存此為晉陽之壘并令諸子知行路之難

四十八

河南紆道至再渡及關門  
躬云紀雨打韓王國鳥啼

張相墳白楊風自戰古廟日多昏  
秦楚讐皆報何妨

廢作村昔韓國今為韓城村烈丈夫乃有曠語

鬼李千文集詩

五律

留侯當國破年少獨思深躬云少年最博浪存英氣不可無思深

圯橋見細心不細心英氣反能敗事何仍遭吏辱信竟為人禽

君與鴟夷子千秋直至今

五十

真身閒處好躬云大學問惟不能屈亦能伸只為韓愛官爵乃能閒

王送明非漢祖人閉關愚項籍謝宴脫鴻門早托神

仙去方知用是真

彭躬菴云生良前者范蠡生良後者陳遇字中行洪武時惟惺機密多所措置生不受官并兒子官

亦辭之死賜謚以東園秘器葬其人又出良上

五十一

曉霧盈盈散馬蹄蹠蹠勞墮雲垂石壁斷嶺見東臯

何日能冠籜名山去結茅躬云此必望西嶽乃有此想逝將形影

息寂寞換牢騷非牢騷人不能寂寞和公拈出使我豁然一開懷抱

五十二

遙瞻西華立伯兄云立字是西嶽此去定登臨乞汝高山屋了

余出世心會當瓢笠至不使親知尋忽到秦川渡野

鴉噪暮林

彭躬菴云人一無高致便是俗漢此處勉強不得  
○西行看華山是和公本懷望見神往不禁踴躍

五十三  
龍逢遺墓在空口側臨坡諫桀情如此成湯義若何

捫心難具說拊髀且狂歌水石流聲急催鞭去渡河

躬云要知非急渡河有十分徘徊意在○通首妙在都不說出

周曾士云不說出處正不可說正已說盡

五十四

東陝連西陝躬云紀陝長溝不度雲猶存營窟制紀民可居

是帝堯民汗漬黃塵濕眼看白晝曛又傳官府至先

路辟行人

五十五

草店牛羊接繞牀洩淳通人驢分首肴湯飯共樓蔥

壁裏明星落枕頭黑土封更須防蠍螫門外報行踪

彭躬菴云穢雜粗糲荒涼一一寫出

五十六

匹馬蕭條客居然上壯關城門俯晉豫雉堞控河山

躬云紀潼關碧草誰家屋青榆廢社壇可憐今古事此地

不等閒

五十七

估客紛紛入多從別路過如溝平渡水

潼關黃河甚狹浪勢亦平

是處可登坡越禁持私物潛裝避正科

關有稅務關因河

益險失險在茲河

彭躬菴云若只作估客巧于避稅看便不得作者之指

五十八

首宿生西域原因天馬來至今同野草空自飽駑駘

近水泥淹盡當途脚踏開莫悲狼藉甚漢苑久蒿萊

彭躬菴云原本首宿盛衰升降處悲感殊闊未結更一拓宕烟波浩渺意自無窮

五十九

樹上秋蟬子身微最健鳴為生廿一日鼓腹二三更

躬云紀秋蟬 虛響羣山接傳流曲澗爭聞來已力竭真可

歎勞生

卽小物悟出至理令人收攝斂退受益無方

彭躬菴云多篇不可無小物點綴首宿秋蟬比杜老詠物不差近遠俱得法外意

六十

剝土成仙洞

名大棗洞

陰森長蔕蘿道人貽棗子

大棗村出大棗

有一枚重三兩者

解僕進頻婆坐席延涼足烹茶解熱多

茶為

關中難得之物 斜溝西日避策馬下南坡

彭躬菴云急路時  
每有閒致最佳

六十一

山河稱百二自古說強秦短髮全如我長軀果勝人  
制科沈歲月數米過昏晨定有英雄在庸夫識未真  
躬云儼然自居庸夫妙七非回護正濶眼人  
細心處濶眼不細心便易失人流為汎蕩  
彭躬菴云車鄰鐵駟化為糾履縫裳亦可哀矣人  
不稱土莫道行旅書生眼中便無

六十二

古柏穿墳出交根葬子長

碑記云先年墓開時土人見柏根承其棺○躬云純

司馬遷墓

文章真絕世武帝大難當

文章武帝杜借對法

日落芝川

鎮河流高里旁忠臣遺石碣

有左公懋第碑記

千古在祠堂

并帶左蘿石先生即史記

六十三

歐公標日者細讀竟難知史記文如海名家賞在茲  
偶然成意會不必定循持自詔楊終後他篇有可疑

躬云全文中拈一段洗發最好論頭

彭躬菴云予亦頗好日者傳與歐公同古人集中有不類之筆亦見家數兼舉未必盡偽五六最善讀書人方有此領會陶葛得意處也古文為後來編訂參和實有此事即二論學庸不免他可知矣

六十四

降敵千秋辱原情惜李陵虎臣沈異類蠶室謝良朋

石父傷無贖清娛為守貞躬云清娛馬遷妾也守志不嫁沒為土神見夢虞世

南為之記○史遷深意得此宜豁遷為黃壚鄰並好稍帶亦

陵戮竟無贖者朋友削色婦女生光

杵臼亦是友誼所謂異苔同岑

六十五

視友知平昔躬云可知良才可不疑戰功司馬訟賦

別子卿詩拓跋多賢王神堯大創基廣陵沈鬱恨結

構遂如斯

彭躬菴云因遷及陵章法似史記傳贊以馬蓋至

陵不沒其生平陵千秋心死矣拓跋為陵吐氣神

六十六

暑在秋仍熱躬云棲鳥夜半啼宵行驚吠犬曙思感

鳴雞柳拂疎星亂山令殘月低扶桑看日出已度灞

橋西點出灞橋

六十七

曾從辛漱六渭南得曉范湘賓桂權寧辭楚桃源卻



在秦范楚人居西峰天日近上界道心真惆悵斜陽

裏空堂鎖華雲

彭躬菴云此和公入華山詩也徐霞客徧窮五嶽從峨眉紆道出崑崙遊山家首宗之著書盈抱卻不遇一真正人便少味和公孜孜看山求友不遠萬里足空世流長霞客數格

六十八

我來荆戶寂各各不相期

時訪華陰王山史富平李天生皆不值

山水

神空王友朋道在斯雲閒時出岫日曷路多岐寄語

王山史誰教獨鶴飛

山史向寄傲獨鶴亭今乃應時

彭躬菴云和公詩定有英雄在富平李中悅李天生差足當之寄語山史皆君子之愛

六十九

白馬克官廐騎來衆目殊寵臣輕衛鞅令客重相如

憩寺茶桃進投村粟草輸可憐涼煖意于我竟何須

彭躬菴云翟韓城以已所乘白馬送和公遊龍門華山邑人見馬知爲令重客一時饋秣趨將恐後和詩云然有男子張君嗣附之之意

七十

禹廟飛金碧龍門鑿石崖

躬云紀龍門

黃河爭口出雪浪

自天來細筭拳蒼栢古碑篆綠苔中州聞更勝定擬

策駑駘

河南府亦有龍門

卷之四  
七十一

陰崖明記字九里三分深河勢奔千仞水門只一尋

山通天日僻浪擊蛟龍沈傳說禹墳在躬云紀禹墳傳說又疑妄

洪波不敢侵

彭躬菴云歐陽玄作修河碑記俱載丈尺令後人可尋治和公起載陰厓字便不是詞客心眼

七十二

九州夏甸竟延年大禹垂旒處風波打釣船

寧當洪水日尙是帝堯天細雨東來急雲光倍黯然

彭躬菴云口筆俱大氣衝出登臨月露何從著手○對大山水須大懷抱方能吐納上下千古心口

毅烈覺杜老尚未能辦

七十三

別墅臨魚沼微風水欲波躬云清秋寶瑟動遙夜美

人歌雲寫青山色作句寫字妙星沈碧樹柯幽情看不盡

涼月下藤蘿

彭躬菴云到此却又風致總是性情無所不具只參些子假不得

七十四

秋夜清如許西園圖畫中花陰零碎月躬云三字從無人拈出

竹色婀娜風靜水明魚藻佳克盤煮鹿蔥坐來殊未

倦遠寺已鳴鐘

七十五

馬蹄生白日人影過橫塘  
彷彿宵征處棲遲夜色荒  
風林飛宿鳥露草咽寒螿  
西隴閒鸚鵡誰來問

七十六

汾陽王故里

躬云直下句

廟貌柏陰森地力生何厚天功

不可尋

贊汾陽確妙他移不可

閒身能到此

此閒身字莫汎看

好鳥故

多音驚喜成留戀

實境實心

門前日欲沉

七十七

乘驢還有路

華州東關有希夷乘驢處

大笑

夜黑長如晷

那得知

妙

髮隨塵日白眼入塞雲  
迷正憶林泉

好沙汀一鶴飛

彭躬菴云笑哭不得乃有此詩○希夷大有壯志人遇趙太祖立乃放手耳大笑墮驢喜脫肩爽利救時是豪傑不得已事為太平之民省却多少氣力所云英雄回首即神仙也此意為和公申之

七十八

我來兄久去作客寺東廂  
已是愁為屋

楊御李云何愁中創語

勞月上牕揮筆歌不歇  
擊鼓夜猶長秋雁仍無寐  
連

聲過佛堂

彭躬菴云尋伯兄看華嶽遊長安是和公西行大願今失却天性一行矣孤踪萬里去住無著宜有詩此

七十九

昔日開元寺

躬云紀開元寺

規模大一城贏餘五十里三萬

七千僧

好記手足見前人之荒

鴟吻低雲漢蒲牢動曉星禪師

語在石博得雨淋鈴

此真棒喝

八十

拂亂年來是蒼天苦費神肯將施大任輕易與庸人

躬云自嘲自笑若哭若歌

曲石苔仍碧小花藥又新無端僧舍裏

日看殿頭雲

貧士行路之難極敗人意傷處在此

彭躬菴云天以太華三峰贈季子酬萬里之勞自當令伯子南行取償頓挫此亦費神之一端也吾輩以古今為得失目前空乏行路艱難要季子胸中自有得失固不以此易彼耳

八十一

孔聖輪為帝與天大一儒尊崇通婦稚禮祀勝唐虞

躬云可參皮日林孔廟碑記

稀果先秋美叢芳長物殊

妙在著二譬使局勢

一舒詩中有古文章法

功高湯武者食報定何如

太平八十二

五律

五律

太子千秋去荆軻不刺羸烏頭思可白馬角憤難生  
雲鎖咸陽樹烟迷漢帝陵

躬云并秦漢一齊解脫

西風涼特早

匹馬過孤城

彭躬菴云此去秦詩也不一爭荆卿便成缺事葉具京云入秦不說荆卿不可若特作議論論其成敗亦未可如惜哉劍術疎之類淵明等已言之矣而壯其刺秦之氣略其成敗則和公五古隨成中已兩見之此特徵點荆卿借他說自己胸中話境界最是活潑

八十三

萬里往來路兄歸在我先自然添白髮未敢怨蒼天  
抱病行增病無錢坐費錢

躬云行坐恰好窮途實境

豈應便不見

更問浙江船

八十四

兩到驪山下温湯望裏孤空知爲亥趙

諸子世傑云有以亥趙名

姓合用爲疑者傑考賈誼新書稱曹參周勃爲曹勃淮南子稱紀殖華還爲殖華漢斥彭長碑稱高柴頰考叔爲柴頰則自古多有無足訝也今尚說陳吳羶醉忙奴子侏儻叱

僕夫太真遺跡在曾見祿山無

躬云太真浴温泉安祿山亦曾賜浴温泉

故有末句

八十五

東望秦皇墓涼蒿接地青霸王傳一炬牧豎可同名

匠骨空藏穴人膏不照燈徘徊何所見獨樹立蒼鷹

彭躬菴云將潑天氣焰點化作一杯冰雪富貴濃熱人何可不誦此詩此和公去秦回向語也

八十六

曉發將停午空林不帶烟饑鷹飛覓鳥渴馬立聽泉

喜近秋涼節曾登太華巔躬云登太華似了却生平一大逋負宜其口頰津津

也東歸殊未晚滿目望晴川

八十七

羽毛孔在圃魚稻鶴依人輔志師憂患周身寶賤貧

林泉容散髮筆墨且輸君定擬編茅屋來分太華雲

彭躬菴云三十字是季子居山汎海入燕遊秦本領無此本領則居山不過一隱民遠遊不過一

詞客矣磨磷涅淄總是性情無著根處若志氣真實便一切都漸染不上不必聖人也

林确齋云世人論詩稍涉道理便云殊有宋氣其實出之精蘊便是風雅至處說理精實者雅頌蓋

不勝指矣如風之瞻彼淇澳秉心塞淵之類亦得槩以宋氣目之乎

八十八

冉向潼關出秋風滿客衣羊無蘇武牧馬有騎

曉日穿楊柳浮烟冪柘枝黃河多濁浪鶯鶯不啼饑

八十九

伊洛乘驢渡來時幾殺予先時水驟漲予傾崖歌獨

鹿陸海見多魚

時海上降人布耕秦豫之間

易藪仍無疾采山歡

有餘秦梁古道上秋色共寒儒

躬云此二句之妙十日尋味不盡請同人

共參之

彭躬菴云季子眼中豈容見此物哉然季子意中又不妨有此物鷹鳩聽其自化

耳末句是大鑪

九十

馬上看明月九旬始一逢陰陽爭曉夜人影在西東

躬云唐人中有數各句

鷹鷺尋溪早牛驢服耒同閒身兼估客

總入路塵中

九十一

日出許州城秋風渡灞陵

曹操別關壯繆處

橋頭涼露白天

未曉雲青不見英雄跡但聞流水聲

躬云如此晨星乃可言渾

騎匹馬三月未曾停

九十二

數里城邊沼清香遠處聞曉荷風弄葉秋藻水呈根

片石芙蓉下平池菡萏分家山難便到想此亦怡神

彭躬菴云真可云天機清妙三月馬塵無半點俗氣那得不服

九十三

分路東朝日晨光映綠莎山投郊縣盡水向鄆陵多

躬云紀郊念伯歸惆悵愁予歎奈何遙憐克段處兄

鄆山水弟自操戈今鄆陵城是鄭伯克段處

九十四

昧且經泥濘明明阻一湖晴天有匝月積潦尙盈途

雞黍真難約蒹葭思已孤時約過太康軒公劉扶溝

明年來少室此會不能無

彭躬菴云予想慕公劉二十年矣聞其使雙銅簡風霍回霍大似沈伯和近乃更作詩似可無作即以此席讓文人古去固不失英雄本色也和公先得我心遲之以水阻不得至僅留此詩

九十五

西華登臨後神依落雁峰南峰華山之頂黃冠須早

著白髮不相容日散桑榆影涼吹黍稷風秋天何曠

蕩馬首漸來東

彭躬菴云季子意中刻刻不忘華嶽持世出世是云高世此際人不易及也

九十六

大漢接城頭征夫未得休薄寒催畫角繁露濕清秋

旭日雖遲照浮雲幸已收他星俱不辨空自認蚩尤

彭躬菴云二十八宿羅胸中元精耿耿貫當中煉出智眼自無錯認然一歎龜蒙耳悲哉



九十七

峰頭一勺水想亦發荷花萬里錢為足頻年客作家  
妻兒愁月上兄弟憶天涯  
時伯子在浙叔在新城子西行在途何日西南合來烹冠石茶

九十八

晨行將七十午到漸生饑野曠前村遠風高落葉遲  
渡溪清欲飲坐石冷難支促織鳴何急涼秋未授衣

九十九

秋雨送淒涼驚心過鳳陽汗泥眠御宇  
太祖有萬世根本四石宇

烈皇帝取落欲移往燕京值亂未果今臥府衙前牆側衰草覆宮牆  
鳳陽無城欲建都于此所置禁牆猶在鳥逐茅簷少民隨社稷亡問誰能似  
此洵是聖人鄉

一百

宿處朝曾記逢林望此村看名尋舊榜  
躬云紀計里數殘墩江北以土朱柏何王墓  
紀王墳青蒿廢石門最長江北路日日到黃昏

一百一

斜陽明曠野綠樹隱招提天入高秋遠  
躬云寫秋天語平而出

鷹隨落日低匹馬來鐘鼓輕裝帶棗梨喜今投宿處  
繞屋有清溪

似昌黎見  
蠍之喜

百二

誰知髀肉淚老大實堪嗟時運驚鬚髮衰微到齒牙  
無虞消白日有約近黃花只此微生事崎嶇過歲華

百三

六合休行駕買船出大江逆潮晨在岸乘月夜鳴榔  
荇藻鳧知樂海天雁到涼風塵雖暫息鼓柁尙他鄉

林确齋云躬菴諸評有深細有開拓可謂妙得  
心眼矣予則總括是詩曰聖賢仙佛豪傑高隱

清明日行笏羅道上觸目

溪莊聊信步高屐趁春風野菜沿籬摘香秔激水春  
焚錢飛蛺蝶放學走村童酌酒齊歸飲何曾醉乃公  
溫匡雲招賞紫牡丹

春日新晴好天香簇錦枝左花先得豔西紫後偏宜  
客至松醪熟風來繡幙欹鄙人慚著姓富貴久相遺  
辛丑同葉中林度歲辛亥復同因賦

南越同分歲於今歲十更逢辛歡再聚說丙竟何曾  
多雨梅英歇深杯竹葉青爲思騎楫夜老興有余生

辛丑除夕同在余生寓  
是夕生生醉後騎欄狂呼

舟泊石師山下漫題

招提隱綠樹屋角帶青山叢竹鳥知悅幽居人自閒  
榴花門外發茗葉佛前攤堪笑淹留客春芳坐欲殘

寄姚六康

遙聞石埭縣名士善爲官庭宇日常靜花枝春不寒  
論文催酒熟退食索書看更得野人意相期在古歡

彭躬庵云偈真唐調後六句是名士善爲官注脚

次韵贈友人

性原愛逸士一見覺難違似我竟何得如君解者稀  
詩王王季友画作陸探微相對供高妙湖光正可依

曉發

結束夜方盡雞聲茅店村野花紅滴露草色綠隨人  
記得分離曉行過寂寞春客途三別友長路細傷神

題画松爲壽

落落倚長澗蒼蒼覆短扉誰將筆黑跡寫出烟雲姿  
白雀巢宜偏丹丘道在斯著書親種得不數萬年枝

楊永年出晤

傳得天涯信飄然下故鄉更欣黃髮友來自白雲堂  
對面湖山濶懷人道路長與君同曠望正好論行藏  
同遊西樵贈別麥叔夏  
淡遠同秋色烟霞老此身若非探勝地何以共幽人  
空水明長夜歸帆逐斷雲翠微峯上立好月一思君  
別湛用啗  
渺渺風帆去君言來歲來不須明月夜纔入故人懷  
燕趙酒徒好江淮地勢開攜將南北事一到山齋  
宿山家

村路盤叢嶺人家早夕陽梅依山徑好茗發石泉香  
煨芋圍殘火煮糜拌老薑紛紛名利客此意那能嘗

又

門外有行役我身殊未閒何如此茅屋長得住青山  
耕鑿隨天意顛蒙隔世間鳴雞催曙色別此覺爲難  
舟中漫作

鄉音猶未遠已覺客愁生欲語向何處看書竟未能  
宵鐘來野寺春水散漁燈倚棹遙遙望烽臺打二更

又

魏季子文集卷四  
日日愁風雨開窗纔一看橙花江步晚竹影石潭寒  
寂寞思長醉超遙集百端不知征戰地何處得平安

又

蓬窗渾似夜江雨大如灘小隙窺書苦長天辦睡難  
妄因無事好詩恃有人刪且自爲朝暮春風吹又殘

借一亭牡丹

豈徒香色妙性不爲人諧好似成之背

今兄自鳳陽携種歸中一

本最盛者自令兄下世乃不復著花難因天后開世傳巴蜀勝種喜鳳  
陽來何必青城樹千年倚玉階

魏季子文集卷五目

七言律

梅嶺

別饒磊庵

秋杪卽事

花朝寄山中諸友

清明寄呈兩兄

舍舟行洞口岸

山橋

仙易亭題壁

浮沙

別馮載賡

別朱德先

自海門乘月過阿字茅

亭

廣州新雁

題張曲江小像

路上

奉送伯兄北行

甘健齋索白桃秧

伯兄云將由燕京出關因寄

題荀全居

碧玉洞

別王問溪陳人白歸海南

晚遊靈洲寺

羊額聞有百歲翁同何

左王梁器圃訪之

曾麗天徵湯公六十詩

胥江夜泊

過清遠峽飛來寺

拜梁仲木墓

聽梁公狄談往事二首

清明

牡丹下送人之漢

經太液池

分水廟

獨山湖

同伯兄登燕子磯

與友人斯西行不果歸至望湖亭望廬山有懷

日燄

送蔡靜子

嶺上

悼王說作

拜謝疊山先生祠

寶華洲寺坐雨

瘡

宗忠簡公故里

西湖感興贈青州劉止一

魏季子文集卷之五  
江上口號寄伯兄  
見竹笋月季花憶故山  
人日伯兄在城叔兄住水莊觸緒成詩

次韵别喻賡三

魏季子文集卷之五  
七言律  
寧都魏禮和公著  
伯兄際瑞善伯訂

梅嶺

久意庾闢勢擘雲行來十馬可齊輪乃知奇險因豪傑  
爲笑虛名誤世人新艸年年生道路布衣落落老風塵  
誰能弔古悲秦漢尚有張公廟貌存  
彭躬庵云看他用意直入筆力跨越何等氣槩

別饒磊庵

司馬當年少特雄棄繻端不讓終童

饒弱冠入粵有豪氣後為瓊州

司馬自應匠石過轅木竟許行冲入藥籠細艸路淹黃

雀雨芙蓉色老鯉魚風分張遂此愁知己天海蕭蕭

一望中

秋杪卽事

海上風光日已微照來林角尚依稀何當野火競天

發遂使餘■失晚暉巖邑長驚發婦哭空村反見大

軍旗人生但得有名死荒艸寒原不敢悲

躬云烈士夫語愈悲

愈壯

花朝寄山中諸友

籜冠竹杖向蒼崖桃李叢中三兩家千里獨為南海

客半春空負故園花小窗盡日來飛蝶短艸新田有

暮蛙道是勸農晴最好

是日名勸農日晴豐雨歉

卻慚溫飽飯胡

麻

清明寄呈兩兄

禿頭短袖意蕭蕭野館長陰貫寂寥僕以插門方見

柳墀纔如掌自生蕉風吹棗杜春相憶雲隔松楸日



未消佇望還當何處是、屋南斜水帶橫橋

彭躬庵云杜劉高調

### 舍舟行洞口岸

野艸野花江上村家家犁耙水田勻、鷓鴣飛處橋頭  
路、螻蝻聲中客子身新夢日多憑薄簟故人春思在  
衡門此間可有胡麻飯未許桃源更避秦

彭躬庵云風華脆美中冷凄微逗偏真右丞

### 山橋

小橋村落對河津綠樹如牆不見門水氣欲生山半

雨吹烟橫作渡頭雲野藤過石牽人面古路行車老  
客身海嶼漸親家漸遠有懷索向夢中論

### 仙易亭題壁

乍雨淒風古寺幽閒亭長抱一溪流都緣列子分蕉  
鹿卻使韓生笑棘猴春鳥穀多依密樹暮雲時見有  
行舟十年觀海真吾願豈意高涼半月留

### 浮沙

一片浮沙白似烟傳聞逐漲出柳顛不愁堯水居營

窟直與廩君共土船跣足初知荒艸力低頭恰愛野

躬云有意無意幽鮮自得

花鮮人生適意為真樂興盡還舟枕臂眠  
別馮載賡

逢君之始識君真落拓如予未覺貧花竹見招秋可  
宿烟霞愛客日相親久知石奮多醇德不似楊彪托  
舊臣此去為言湖海士天涯尚有老成人

別朱德先

天涯一見即流連哀爾常歌杜老篇我去竟先浮海

路與予約瓊州同歸君來不用買山錢欲同隱其妻兄耕所懸知碧鶴

當婚女于予友人子有東林之語任食玄雲可學仙德先銳意學仙記取

春明花信好莫教遲發貢江船

自海門乘月過阿字茅亭

我獨行來十里村月高猶未掩柴門天光竹色相依

映地澗亭幽如夢魂對君不覺味

歸身悠悠長夜無多語明日東風便欲分

廣州新雁

為愛南溟避北溟早同落葉一聲聲昔人愁是關兵  
氣于我嫌為特世情私覓稻梁朝自飽羣疑炬火夜  
相驚好當烟水深深處莫向人間作意鳴

題張曲江小像  
十月梅花嶺上過短衣曾拜曲江祠石林寒色自終古落日荒亭有所思世士只今無此遇斯人安得與同時聞君名字見君像風度何如欲似之

嶺上桃花又一村重崖欹徑入江濱空山雨到疑聞鬼細路雲深不見人林樹竟從天外出陰晴忽在望中分溼衣透背如冰雪自笑年來愛苦辛

彭躬庵云此與五古內白水途中七古內贈李元仲皆同時作艱難辛苦愈自激昂足知季子

奉送伯兄北行

數千里路亦門庭最是崎嶇入帝京春水下船浮地勢曉風騎馬趁人行邊歌早已通南服野艸還堪望北平好景好山惟叔季知兄長道總關情

甘健齋索白桃秧詩以贈之

勺庭盡種紅桃樹中有白桃竹下栽最喜花先正月發卻逢君在了溪來幽人自可相持贈春雨隨時到艸萊直得他年能結子

白桃以單瓣能實者佳

始知繞屋不須

梅

彭躬庵云高素朴老七律妙境

伯兄云將由燕京出關因寄

陰雨沈沈閉衆峯書傳冀北出關東  
長城不敢居形勢遼海何曾有颶風  
馬望塞雲知廣漠臺閒烽火憶羣雄  
蕭蕭瘦杖憑高處嘆我支離拳石中

題苟全居

栢巷先生愛隱淪詩書自足長兒孫  
無營不折東山屐有客長傾北海尊  
更闢懸崖牢寘屋已栽新竹待開門  
金精洞口幽人徑乘月能來一問君

碧玉洞

過盡喬林懸仄徑到來抱膝坐寒磯  
散飛長谷千絲雨收作沿山一道溪  
亂草幽光青入酒遠林微見綠如畦  
陰陰暮色催歸去出得茶園日正西

別王問溪陳人白歸海南

扁舟曾記泊那滄微月輕波剪剪風  
一別定知難再會三年豈意此重逢  
欲隨飛鳥歸天外所謂伊人在水中  
果罷朱厓爲棄地吾當泛宅遠相從

晚遊靈洲寺同何不偕梁器圃梁芝五陳元孝

陶苦子

問舟不見坐江邊、明月銜峯未上天、水石林中安野  
寺、木棉枝裏出漁船、高秋夜靜人如雀、清露風微艸  
是烟、尚有東坡亭子在、君來猶勝建炎年

羊額聞有百歲翁、同何左王梁器圍訪之

古荔秋陰直到門、徑隨好友訪遺民、雙親見背五旬  
外、孤子難看百歲人、最喜呼兒來酒肆、還能送客至  
江濱、羨翁飽喫承平飯、冠服猶然舊制存

曾麗天徵湯公六十詩

野叟尚能言舊政、長才竟自老阿丘、溫公結社猶年  
少、永叔歸田卻早休、雨愛常平秋應節、風行鄉約夜

無憂

湯子其地立常  
平倉講鄉約

煩君爲問賢公子、堂上何人是

座頭

胥江夜泊

歸心最喜坐輕舸、向晚維舟傍野橋、山近不遮江岸

月水清初謝海門潮

廣湖至  
胥江止

魚鹽小市繁燈火、風露

高天接酒瓢、前路尚愁灘、偏仄望來鄉國益迢迢

過飛來寺

軒轅帝子畱遺址梁主衰年落梵宮  
六代鶯花歸大峽一帆烟雨過前峯  
碧流蒼石空濛外丹閣青苔想象中  
每覺高天聲欲下聽雲淡處不聞鐘

拜梁仲木墓

歎我飄零遲作客思君不見涕潸然  
竟持萬古潛歸地默對孤墳上問天  
芳樹莫教春爛熳寒流還是舊潺湲  
男兒未了生前事再到人間已八年

彭躬庵云仲木偉男子生平以朋友為命得此可不死矣

聽梁公狄談往事

為我且斟酒一卮南朝遺事竟如斯  
孤臣目擊興亡跡賤子思鞭將相尸  
齊鄭戈矛空蔓艸江淮謀畧

斜陽欲下山川淚春雨春風何處悲

又

峯頭曾聽說江東二十年前一夢中  
罷政徒勞傷伯

紀當時史忠襄督師于外人有罷李伯紀之歎著書且莫論高宗予曾作宋高宗

論褚山杜宇啼春日洛水垂楊繫晚風可惜當時凌

御史諱駟死難河南空教罵賊死英雄

梁公狄云惜凌之不盡其用此古人所以重慨于張睢陽也重其忠節尚是第二義矣

清明

江波柳葉一時青四野雲生雨欲成海上燕來知氣

候客中人又遇清明幾處春光各

弟兄時伯兄在燕叔兄謾道先塋疎祭掃荒烟寂寞

鎖諸陵

牡丹下送人之滇限韻

江北春烟一帶長江南春色滿垂楊離筵正值開叔兄花

后牡丹一而有旨風俗遙看祀竹王會逐猿聲過棧道早隨

雲影渡瀟湘相憑萬里舟車力寄此傷心到夜郎

經太液池

西城雨過碧池涼御苑亭臺散水光不信疲驢經此

地可憐飛燕出危牆荇絲細艸秋根綠菡萏殘花晚

葉香遙想當年遊幸處橫雲古木鬱蒼茫

分水廟

尚書河伯祠仍舊水樂間尚書宋汶上分流至此間

南北放舟齊順水東西狹岸亦為山鳴禽似愛人歸

去老樹常看客往還牽纜正愁紆日月清波細藻一

開顏自北來至此始微見

獨山湖

風塵久已別吾廬作客來歸念客孤

有客期嵩山清未能赴約

夜夢行中嶽路開窗但見獨山湖輕天濶水浮村落  
遠樹平堤入画图烟裏遙呼艇子出小鱗賣價不如  
蔬

同伯兄登燕子磯

江寒風急雁斜飛兄弟登臨兩布衣白草黃沙歸到  
此孤蓬短棹欲何之金陵尚記來時路鐵鎖長縈往  
事悲指顧忽然天地黑波濤隱隱出旌旗

與友人期西行不果歸至望湖亭望廬山有懷

日燄

七年三上望湖亭雲掩寒山隱隱青冒雪來歸人已  
瘦驚風直射水無情遐心竟負三秦客對面難通五  
老僧記得石林霜葉滑忘飢急過萬松坪

送蔡靜子

長夏徑歸湖上客將秋欲獲故山田玄魚在水仍潛  
藻赤日無雲苦坐船事屬興亡仍載筆行隨遠近不  
持錢到家應是涼風節江岸蘆花白似棉



嶺上寒雲一逕斜春風吹客向天涯路逢險處偏多  
雨人值花時不在家青氣暗生疑海嶠自光明照是  
汀沙催車遙指江村宿疎樹茅簷噪暮鴉

悼王說作

生年六十老柴荆州府從來絕送迎畱得孤魂歸侍  
帝近聞一子竟爲僧詩名只博墳前草筆札還餘紙

上情他日重尋鬼驛寓

說作寓處

夜潮空打尉佗城

拜謝疊山先生祠

先生忠烈一門齊公夫人李以救民自就俘縊死女  
聞父母變投橋下死弟君烈君澤

三姪皆死于獄兄君禹  
在九江不屈斬于市

餓到千秋永不飢塔畔許畱

孤柏在簷前只有杜鵑啼微軀再拜瞻顏色短髮多  
慚下涕洟怪得世人推節義至今還自說江西

寶華洲寺坐雨

乾鵲多聲還噪雨飛蚤正晝欲盈襟雲明嶺暗添湖  
白鹵小簷低助竹陰物序又驚初夏節髭須空老百  
年心林泉暫許閒身住

瘧

愁聽款款鳥翻枝，客舍經旬靜掩扉。解作炎涼當此  
刻，來如潮汐不愆期。病余猶幸非君子，驅爾空聞誦  
杜詩。梅葉綠濃梅子熟，層層還自著棉衣。  
宗忠簡公故里  
宗公舊宅市南門，單族寥寥尚有存。  
公世已久絕舉族亦止存數人  
豈是畱名當亂世，故令無後慰忠魂。連天碧艸隨人  
坐，落日黃塵任馬奔。爲憶渡河呼不絕，山山還似陣  
雲屯。

西湖感興贈青州劉止一

寒風吹籜雜啼烏，四海蕭條氣未孤。莫漫衣書卑管  
晏，曾當擐甲試孫吳。樓船歌舞消王業，澤國雲山入  
霸圖。細話平生君共我，久攔踪跡老江湖。

江上口號寄懷伯兄

老兄近歲難離我，身在長江心在山。磨墨畫梅應幾  
許，捉刀刪樹亦無閒。薔薇花發疎籬豔，湘竹笋生曲  
徑繁。植杖吾廬呼稚子，恐無聊賴悵然還。

見竹笋月季花憶故山

孤寺天光似汎舟，竹林春暖屐堪遊。莖莖新碧初辭

籀朶朶香紅半落溝嬌女莫因多撲蝶小兒可解急  
驅猴山中笋時最被猴虐須持竿守護之故園西望生惆悵獨倚湖心  
水面樓

人日伯兄在城叔兄在水莊觸緒成詩

人日看花成獨立梅花已落桃花開列羹盃盃同兒  
食移竹莖莖傍屋栽樹暖葉生蜂競出山高路險客  
仍來弟兄却以分三國踏磧空傳王佐才

次韻別喻賡三

見君勝似聞君時未別先言別後期物外何妨成爾

汝堂前可許拜妻兒已當高臥謝安石喻原作官今棄去不

但風流杜牧之喻時在帥幕詢我翠微蓬華士交情真澹

到無奇

魏季子文集卷六目

五言七言絕詩

北山三首

黃天蕩

春日偶作十首

潭口尋仙人跡

贈別陳元孝

客况

霜臯偶作三首

贈吳子遠

南越偶題

綿江客舍

別詩

山中三首

別人

夏子廬山讀書處

別何不偕

王崑繩生日書

雨中喜陳元孝諸子見過同旅邸小集時將別

去賦

過獨山湖

除夕寄人三首

別陳季長

釣臺

贈廬山僧

宿葉昊京樓

江干

畱別談兌子

初秋客中送別

遊石隱庵四首

別張穆之

魏季子文集卷之六

七言五言絕詩

寧都魏禮和公著

伯兄際瑞善伯訂

北山

菜竹開門一徑微殿前聞有晉朝碑至今苔蘚空階

上石畔何人見義熙

吳崧三云鄭所南有淵明一念晉朝事滿眼黃花  
淚不乾視此詩便覺所南鶻突矣

又

日煖烟微一小臺、石亭不見桃花開、紛紛紅雪沾衣  
袖、風在竹林深處來

應是故園花事齊、橋邊聽盡鷓鴣啼、斜陽欲下人歸  
去、竹外天光似有溪

黃天蕩

罷楫維舟傍綠蘋、北風吹浪白紛紛、黃天蕩水今非

昔舟子云蕩中、何況當年殺賊人

春山偶作

東籬爛熳接西籬、鴻雁高飛紫燕低、看是春風都有  
恨、杜鵑花發子規啼

湘湖春水正連天、遊子將行未放船、家有桃源身不  
住、問津那便問桃源

桃花源記讀來真、雞犬桑麻好作鄰、道是猷秦成避  
世、避秦不是覆秦人

又

桃源花竹散千家、漁父無心自汎槎、好事殊憐劉子  
驥、還來洞口覓桃花

又

爲愛春花夢亦醒、夜來風雨不停聲、天明急起開門  
望滿地紅泥滿樹青

又

社燕新從海上來、銜泥獨可向山齋、門前還有碧桃  
樹不聽早春待爾開

又

放盞梅桃櫻杏殘、辛夷次第接幽蘭、海棠紅綻梨花  
白、花謝花開不得閒

又

竹笋抽芽纔見尖、不多幾日便齊簷、林中徧有湘妃  
淚、刪取繁叢好織簾

又

綿蠻小鳥喚春風、暮日西垂月上東、日月移人催髮  
白、年年只見杜鵑紅

又

迢遞登臨興未孤、買舟欲看洞庭湖、灘高水渴還歸  
去、處處春山啼鷓鴣

潭口尋仙人跡

我非許道士乘興亦能來、但領秋光意石門、何必開

贈別陳元孝

江水流天地、問君昔所之、曾經無忌墓、又過屈原祠

客况

披卷不知久、行來獨倚欄、夜深寒鼓近、月照敝衣單

霜臯偶作

蕭瑟春如此、寒溪日欲斜、沿堤開柳葉、隔水望梅花

又

幽出深林火、斜安渡水橋、獨行行復立、靜夜又聞簫

又

鴻雁先人去、烟花共客愁、明明春色裏、空自送雙眸

贈吳子遠

丹陽自古東南勝、况復丹陽有此人、長缺十年齊作

客、高秋萬里一相親

南越偶題

詩

絕句



城邊細路長青苔、烟雨微茫海氣來、漢帝已亾陸賈  
去崎嶇何用上朝臺

綿江客舍、微茫海氣來漢帝已亾陸賈  
暝色斜含樹、空廬人未歸、一身兼夜靜、孤鳥逐星回

別詩、暝色斜含樹空廬人未歸  
離人江水上、水上日當午、出門不為悲、入門始覺苦

山中、離人江水上水上日當午  
落日靜茅屋、疎雲閑蕙門、秋風吹正好、新月上黃昏

又、落日靜茅屋疎雲閑蕙門

閒情宜獨立、夜與水光分、山色隱猶見、泉聲細亦聞

又

日影時穿竹、雲根半入松、草廬人跡少、黃犬吠秋風

別人

春潮江上急、夜雨客中多、正欲開船去、故人今柰何

夏子廬山讀書處

靈崖幽秀攢、雲勢相盤互、結屋鴻濛中、讀書在此處

別何不階

離別又今日、空悲芳草天、綠楊溪上路、野鳥叫春船

芳臯烟樹鬱參差萬古無端酒一卮子在何愁天地  
老人生好得亂離時  
雨中喜陳元孝何不偕陶苦子梁器圃見過同  
余生生張崑承朱德先胡韶先葉中林旅邸小  
集時將別去  
作客珠江春又深小庭花葉咽鳴禽何期野藪一杯  
酒猶共故人千里心

過獨山湖

明明水色遠含天十里殘香秋後蓮斷岸人家如列  
艦荒堤月露自行船

除夕寄人

高燭坐中盡片帆江上遲心知此夜去見爾隔年期  
別陳季長

釣臺

曉船花共發春樹鳥爭飛回首幽人宅烟光隔水潛  
謾說先生隱是真斯時誰肯作遺民雙臺下釣難臨  
水六月被裘易動人

六 贈廬山僧

廬山難得住、作意學幽人、出戶迎青靄、開窗放白雲

宿葉具京樓

不辭醇酒醉喜為、故人留烟月、虛遙夜、溪山帶早秋

江干

江頭望已極、一一非君船、帆影夕陽動、篙聲春水喧

留別談兌子

明月各相照、孤舟共此心、記得高談處、歸鴉帶暮林

初秋客中送別

美人空遠事、相違笛繞關、山向月吹、最是難歌九辯

句、登高臨水送將歸

遊石隱庵

花徑轉幽谷、層層出妙峯、更穿松竹入石隱、在其中

又

幽人何處得、招隱有空臺、獨見山雲意、不招亦肯來

又

鳥聲傳曲石、古木振天風、衆響爭啞嗒、兼聞何處鐘

又

又 絕句

深深香谷泉流出石門澗夕照落溪中渟澗千日散  
別張穆之

清曉林塘欲別時梅花已發向南枝寒溪一棹不相  
見落木千山空爾思



